



Adresa: **Uč. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-010-6/26**
Datum: **04.02.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica „MUŠINBEGOVIĆ GRADNJA” d.o.o. Visoko, za izdavanje vode dozvole za ispuštanje oborinskih onečišćenih voda i tehnoloških otpadnih voda sa lokacije benzinske stanice sa pratećim sadržajima i autopraonicom u naselju Muhašinovići u općini Visoko, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola pravnom licu „MUŠINBEGOVIĆ GRADNJA” d.o.o. Visoko za ispuštanje oborinskih onečišćenih voda i tehnoloških otpadnih voda sa lokacije benzinske stanice sa pratećim sadržajima i autopraonicom u naselju Muhašinovići na zemljištu označenom kao k.č. broj: 72/2, 73/4 i 73/5 K.O. Kraljevac, općina Visoko.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se skladištenje nafte i naftnih derivata vrši u podzemnim čeličnim dvoplašnim spremnicima ukupne zapremine 120 m³ sa pripadajućom armaturom za rukovanje, praćenje i sigurnost rada.
 - 3.3. Korisnik objekta je obavezan vršiti redovnu kontrolu međuplašnog prostora rezervoara za skladištenje naftnih derivata, njihovo čišćenje i kontrolu rada.
 - 3.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.5. Korisnik poslovnog objekta za sve vrijeme trajanja ove vodne dozvole treba obezbjediti da se oborinske onečišćene vode sa lokacije predmetne benzinske pumpe sa pratećim sadržajima nesmetano sakupljaju putem slivnika sa slivnom rešetkom, internom kanalizacionom mrežom odvođe do četverokomornog betonskog separatora nafte i naftnih derivata, gdje je četvrta komora separatora ujedno i monitoring okno, te nakon prečišćavanja odvođe do ispusta izvedenog u upojni bunar.
 - 3.6. Da korisnik predmetnog objekta, za vrijeme trajanja ove vodne dozvole, obezbjeđuje da se onečišćene vode sa saobraćajnih i manipulativnih površina, kao i onečišćene vode iz samouslužne autopraonice nesmetano sakupljaju i odvođe do objekta predviđenog za tretman onečišćenih voda - separator ulja i naftnih derivata, a zatim preko okna za monitoring do ispuštaju u mjesnu kanalizacionu mrežu sa krajnjim ispustom u rijeku Bosnu.

- 3.7. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
- 3.8. Prečišćena otpadna voda mora ostati u maksimalno dopuštenim granicama definiranim Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
- 3.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz dva kontrolna okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
- 3.10. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetne benzinske stanice može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, prosipanja motornog ulja, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.12. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda tačka 22. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog objekta obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „MUŠINBEGOVIĆ GRADNJA“ d.o.o. Visoko, podnijelo je ovoj Agenciji zahtjev dana 14.01.2026. godine za ispuštanje oborinskih onečišćenih voda i tehnoloških otpadnih voda sa lokacije benzinske stanice sa pratećim sadržajima i autopraonicom u naselju Muhašinovići u općini Visoko.

U provedenom postupku dostavljena je i pregledana sljedeća dokumentacija:

- Aktuelni izvod iz sudskog registra, broj: 043-0-Reg-Z-25-003729 Zenica, 26.11.2025. godine, Općinski sud u Zenici, Zeničko – Dobojski kanton – ovjerena kopija,
- Uvjerenje o poreznoj registraciji od 05.09.2014. godine, Porezna uprava Federacije BiH, Kantonalni porezni ured Zenica – ovjerena kopija,
- Dokaz o uplaćenju upravnoj pristojbi,
- Uvjerenje o registraciji/upisu u Jedinstveni registar obveznika indirektnih poreza broj 04/1-17-1-UPJR/1-6952-2/14, Banja Luka 02.12.2014. godine, Uprava za indirektno-neizravno oporezivanje BiH – kopija,
- Ugovor o besplatnom ustupanju prava na korištenje objekta od 03.09.2014. godine između Mušinbegović Zijada i „MUŠINBEGOVIĆ GRADNJA“ d.o.o. Visoko – kopija,
- Rješenje o upotrebi građevine broj:12-23-3296 od 19.08.2009. godine, Ministarstvo za prostorno uređenje, promet i komunikacije i zaštitu okoline, Zeničko-Dobojski Kanton – kopija,
- Rješenje o odobrenju za građenje broj:12-23-12029/19 16.06.2020. godine, Ministarstvo za prostorno uređenje, promet i komunikacije i zaštitu okoline, Zeničko-Dobojski Kanton – kopija,
- Rješenje, okolinska dozvola, broj:12-19-09843/20 od 30.09.2022. godine, Ministarstvo za prostorno uređenje, promet i komunikacije i zaštitu okoline, Zeničko-Dobojski Kanton – kopija,
- Saglasnost na priključenje na kanalizacioni sistem, Mjesna zajednica Topuzovo Polje, Općina Visoko, ZE-DO Kanton – kopija,
- Rješenje o vodnoj dozvoli UP-I/25-3-40-535-4/20 od 18.01.2021. godine, Agencija za vodno područje rijeke Save Sarajevo – kopija,
- Zapisnik o pranju i čišćenju separatora, Delta Petrol d.o.o. Kakanj, od 19.11.2025. godine – kopija.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak benzinske stanice sa pratećim sadržajima i autopraonicom i tom prilikom je sačinjen zapisnik o uviđaju broj: UP-1/21-3-40-010-2/26 dana 16.01.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat benzinske stanice „MUŠINBEGOVIĆ GRADNJA“ d.o.o. Visoko izgrađen je u naselju Muhašinovići na zemljištu označenom kao k.č. broj: 72/2, 73/4 i 73/5 K.O. Kraljevac, općina Visoko uz regionalnu saobraćajnicu R445 Visoko – Kakanj.
- Na predmetnoj lokaciji se nalaze upravna zgrada, prodajni objekat, nadstrešnice sa automatima za istakanje goriva, podzemni rezervoari za skladištenje goriva (2x60m³), pretakalište, samouslužna autopraonica sa 5 boksova, boksovi za usisavanje automobila te separator ulja i masti.
- Smještaj goriva se vrši u podzemnim čeličnim dvoplašnim spremnicima ukupne zapremine 120 m³ sa pripadajućom armaturom za rukovanje, praćenje i sigurnost rada.
- Zauljene oborinske vode sa radnih, manipulativnih i saobraćajnih površina, kao i otpadne vode iz samouslužne autopraonice, se prikupljaju sistemom uličnih slivnika i kanalizacione mreže i odvođe do separatora ulja i masti. Preliv iz separatora, preko okna za monitoring je u lokalnu kanalizaciju MZ Topuzovo Polje.
- Sanitarno fekalne otpadne vode se prikupljaju zasebnim kanalizacionim sistemom i odvođe u mjesnu kanalizaciju.
- Čiste oborinske vode sa krova objekata i nadstrešnice se zasebnim kanalizacionim sistemom prikupljaju i ispuštaju u mjesnu kanalizaciju.
- Monitoring prečišćenih otpadnih voda se vrši od strane ovlaštene laboratorije „Inspekt – RGH“ d.o.o. Sarajevo.

- Zbrinjavanje opasnog otpada, odnosno čišćenje separatora se vrši od strane ovlaštene firme „Delta petrol“ d.o.o. Kakanj, putem sklopljenog ugovora.

Na osnovu dostavljene projektne dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodjeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i cc) i člana 14. i 15. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09, 102/18 i 70/24) korisniku predmetnog objekta utvrđene su obaveze u tački 6. dispozitiva ovog Rješenja.

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda sa predmetne lokacije, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-010-4/26 od 19.01.2026. godine.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Adnan Bašić, dipl.inž.građ.

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- „MUŠINBEGOVIĆ GRADNJA“ d.o.o., ul. Muhašinovići bb, 71300 Visoko
- ⊕ AVP Sava, ISV – Vodna knjiga
- Sektor 50
- Sektor 40, arhiva
- oglasna ploča AVP – Sava